

**REGIONALNI STAMBENI PROGRAM-RSP**

Broj: 04-36-1-134-6942/13

Datum: 4-10-2016. godine

Na osnovu člana 70. stav (1) i (3) Zakona o javnim nabavkama („Službeni glasnik BiH“, broj: 39/14) i Rješenja o ovlaštenju federalnog ministra raseljenih osoba i izbjeglica, broj: 04-36-1-134-26/13 od 20.09.2013. godine, a na Preporuku Komisije za javne nabavke imenovane Rješenjem broj: 04-36-1-134 - 6837 /13 od 29.09.2016.godine, Projekt Menadžer donosi:

**ODLUKU  
O IZBORU NAJPOVOLJNIJEG PONUĐAČA ZA LOT 2**

**I**

U cilju odabira najpovoljnijeg ponuđača, u provednom postupku javne nabavke: Izvođenje građevinskih radova na rekonstrukciji i izgradnji za Lot 2 - 37 stambenih jedinica u općinama Vitez (19 stambenih jedinica) i Busovača (18 stambenih jedinica) u okviru Regionalnog stambenog projekta -RSP, kao najbolje ocijenjena prihvatljiva ponuda je ponuda ponuđača: "KOLINVEST" doo SARAJEVO, sa registriranim sjedištem u ul. Hamdije Čemerlića br.37 71000 SARAJEVO, JIB: 4200226040009.

**II**

U skladu sa provedenim postupkom iz člana 1. ove Odluke, svoje ponude su dostavili slijedeći ponuđači:

Rb/Ponude	Naziv ponuđača	Datum i vrijeme zaprimanja ponude	Ukupna cijena ponude sa popustom na javnom otvaranju u KM (bez PDV-a)
1.	"KOLINVEST" doo SARAJEVO	29.09.2016.godine u 08:50 sati	882.256,69 KM
2.	"ALMY GRADNJA" doo ZENICA	29.09.2016.godine u 09:23 sati	1.154.873,94 KM
3.	"SETA INŽINJERING" doo ZAVIDOVIĆI	29.09.2016.godine u 09:25 sati	917.930,65 KM
4.	"GTR" doo MOSTAR	29.09.2016.godine u 09:45 sati	1.075.600,63 KM
5.	"MERKEZ OIL" doo NOVI TRAVNIK	29.09.2016.godine u 10:00 sati	996.327,78 KM

**III**

Ponuda ponuđača "MERKEZ OIL" doo NOVI TRAVNIK, je u skladu sa članom 68. stav (1), stav (4) podstav (i), Zakona o javnim nabavkama („Službeni glasnik BiH“, broj 39/14), odbačena kao neprihvatljiva. Razlog za odbijanje ponude je što ponuđač radi dokazivanja uslova iz tačke 7.4. i podtačke 7.4.2, koje se odnose na tehničku i profesionalnu sposobnost ponuđača, nije dostavio potvrde ni spisak o dovoljnom broju izvršenih ugovora na izvođenju radova na izgradnji stambenih i poslovnih objekata, kako je traženo tenderskom dokumentacijom tačka 7.4. Ponuđač je dostavio potvrde za dva uspješno realizovana Ugovora, koji se odnose i dokazuju traženo iskustvo na realizaciji ugovora na izgradnji stambenih i poslovnih objekata, ali koji ne ispunjavaju zahtjevane vrijednosti. Ostale navedeni ugovori i potvrde se odnose na radove na izgradnji cjevovoda i sl., koji nisu zahtjevani tenderskom dokumentacijom i ne dokazuju traženo iskustvo vezano za izvođenje građevinskih radova na rekonstrukciji /izgradnji stambenih objekata.

#### IV

Nakon analize ponuda, izvršena je računska kontrola dostavljenih prihvatljivih ponuda. Ustanovljene su računске greške, koje su u skladu sa ZJN ispravljene.

Od prihvatljivih ponuda koje ispunjavaju uslove zahtjevane tenderskom dokumentacijom, a u skladu sa kriterijem za dodjelu ugovora (najniža cijena), izvršeno je ocjenjivanje istih i formirana je rang lista. Najbolje ocijenjena prihvatljiva ponuda je, kako slijedi:

Rb/Ponude	Naziv ponuđača	Cijena iz obrasca ponude sa popustom ( bez PDV-a)	Cijena nakon računске provjere sa popustom (bez PDV-a)
1.	"KOLINVEST" doo SARAJEVO	882.256,69 KM	886.132,83 KM
2.	"SETA INŽINJERING" doo ZAVIDOVIĆI	917.930,65 KM	918.455,65 KM
3.	"GTR" doo MOSTAR	1.075.600,63 KM	1.075.600,63 KM
4.	"ALMY GRADNJA" doo ZENICA	1.154.873,94 KM	1.154.873,94 KM

Ponuda sa najnižom cijenom je ponuda ponuđača: "KOLINVEST" doo SARAJEVO, sa registriranim sjedištem u ul. Hamdije Čemerlića br.37 71000, SARAJEVO JIB: 4200226040009.

#### V

Kandidat/ponuđač kojem je dodijeljen Ugovor je obavezan dostaviti dokaze o kvalifikaciji ponuđača, odnosno originale ili ovjerene kopije traženih dokumenata iz člana 45. stav (1) tačke a) do d) Zakona o javnim nabavkama („Službeni glasnik BiH“, broj: 39/14), iz Priloga 5. tenderske dokumentacije, te člana 47. Stav (1) tačke a) i c), Zakona o javnim nabavkama („Službeni glasnik BiH“, broj: 39/14), iz Priloga 6. tenderske dokumentacije, u roku od 5 kalendarskih dana. Rok od 5 dana teče od perioda dobijanja ili preuzimanja Odluke o izboru najpovoljnijeg ponuđača.

#### VI

Odluka stupa na snagu danom donošenja.

### Obrazloženje

Ponuđač "KOLINVEST" doo SARAJEVO dostavio je u predmetnom postupku javne nabavke prihvatljivu ponudu u skladu sa Tenderskom dokumentacijom, u iznosu od **886.132,83 KM** bez PDV-a, koja je prema kriteriju za izbor ponude (najniža cijena) ocijenjena najpovoljnijom od svih prihvatljivih ponuda. Obzirom da je ponuda ponuđača "KOLINVEST" doo SARAJEVO ocijenjena kao prihvatljiva i sa najnižom cijenom, Komisija za javne nabavke je dala preporuku za prihvatanje ponude i donošenje Odluke o izboru najpovoljnijeg ponuđača, za predmetnu nabavku u skladu sa članom 70. Zakona o javnim nabavkama („Službeni glasnik BiH“, broj: 39/14). Uzimajući u obzir naprijed navedeno odlučeno je kao u dispozitivu ove Odluke.

#### POUKA O PRAVNOM LIJEKU:

Protiv ove Odluke svaki od ponuđača koji je učestvovao u postupku nabavke može izjaviti žalbu Ugovornom organu Federalnom ministarstvu raseljenih osoba i izbjeglica, u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

PO OVLAŠENJU MINISTRA

Sulejman Alijagić  
Projekt Menadžer

Dostaviti:

- Svim učesnicima u postupku
- Web stranica Ministarstva
- Odjel za javne nabavke
- a/a